

**ხელშეკრულება სახელმწიფო შესყიდვების შესახებ**  
**ხელშეკრულება N სშ/17-042**

ქ. ბათუმი

10 აპრილი 2017 წელი

ერთის მხრივ შპს „სანდასუფთავება“ (შემდგომში „შემსყიდველი“) წარმოდგენილი მისი დირექტორის დავით ასამბაძის სახით და მეორეს მხრივ, შპს „შპს ახალი სერვის ჯგუფი“ (შემდგომში „მიმწოდებელი“), წარმოდგენილი მისი დირექტორის მინდობილი პირის კახაბერ კერესელიძის სახით, სახელმწიფო შესყიდვების კანონის და პრეტენდენტის SPA170004728 სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დადებულ წინამდებარე სახელმწიფო შესყიდვის შესახებ ხელშეკრულებას შემდეგზე:

**1. ხელშეკრულებაში გამოყენებულ ტერმინთა განმარტებები**

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელმაც მოიპოვა გამარჯვება ტენდერში და აწვდის საქონელს ან /და მომსახურებას სახელმწიფო შესყიდვის შესახებ მოცემული ხელშეკრულების ფარგლებში.
- 1.6. „ტექნიკური დავალება“ – SPA170004728 სატენდერო დოკუმენტაციის ტექნიკური დავალება, რომელიც დაეკრება ხელშეკრულებას როგორც მისი განუყოფელი ნაწილი.

**2. ხელშეკრულების საგანი**

- 2.1. ხელშეკრულების საგანს წარმოადგენს შემსყიდველის კუთვნილი ავტომანქანა ფორდ-ტრანზიტის შეკეთება და ტექნიკური მომსახურება (შემდგომში-მომსახურება) დანართი #1-ის შესაბამისად, რომელიც წარმოადგენს ხელშეკრულების განუყოფელ ნაწილს.  
კლასიფიკატორი: CPV 50112000.
- 2.2. ხელშეკრულებით გათვალისწინებული მომსახურების აღწერა მოცემულია ტექნიკურ დავალებაში, რომელიც წარმოადგენს ხელშეკრულების განუყოფელ ნაწილს.

**3. ხელშეკრულების ღირებულება**

- 3.1. ხელშეკრულების ჯამური ღირებულება შეადგენს 4200 (ოთხიათას ორასი) ლარს.
- 3.3. ხელშეკრულების ჯამური ღირებულება მოიცავს დღგ-სა და ხელშეკრულებით გათვალისწინებული საქონლის მოწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

**4. ანგარიშსწორების ფორმა და ვადები**

- 4.1. მიმწოდებელთან ანგარიშსწორება განხორციელდება უნადლო ანგარიშსწორების ფორმით ეროვნულ ვალუტაში, შესაბამისი საგადასახადო ანგარიშფაქტურის წარმოდგენიდან და მიღება-ჩაბარების აქტის გაფორმებიდან არაუმეტეს 5 (ხუთი) კალენდარული დღის განმავლობაში.

**5. შესყიდვის ობიექტის მიღება-ჩაბარების წესი**

- 5.1. მომსახურება ჩაითვლება მიღებულად მხოლოდ მხარეთა მიერ გაფორმებული მიღება-ჩაბარების აქტის ხელმოწერის შემდეგ.
- 5.2. შემსყიდველის მხრიდან მიღება-ჩაბარების აქტზე ხელმოწერილი პირია შპს „სანდასუფთავების“ დირექტორის მოადგილე – ონისიმე ცნობილაძე.

**6. მხარეთა უფლება-მოვალეობები**

- 6.1. მიმწოდებელი ვალდებულია ხელშეკრულების გაფორმებიდან 20 დღის ვადაში, მოახდინოს ხელშეკრულებით გათვალისწინებული მომსახურების გაწევა.
- 6.2. მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 6.3. მიმწოდებელი პასუხისმგებელია გაწეული მომსახურების ხარისხსა და დროულობაზე.

6.4. შემსყიდველი ვალდებულია მიმწოდებლის მიერ ხელშეკრულებით ნაკისრი ვალდებულების სრულად და ჯეროვნად შესრულების შემთხვევაში აუნაზღაუროს მას გაწეული მომსახურების ღირებულება.

### 7. ხელშეკრულებით ნაკისრი ვალდებულებების შესრულების ინსპექტირება და კონტროლი

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შპს „სანდასუფთავების“ ტექნიკური დეპარტამენტის ხელმძღვანელი – ონისიმე ცნობილაძე და სარემონტო სამუშაოს უფროსი – შუქრი ვარშანიძე.

7.2. ინსპექტირების მიზანია გაწეული მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

7.3. ხელშეკრულების შესრულებას კონტროლს გაუწევს შპს „სანდასუფთავება“-ს დირექტორის მოადგილე – ონისიმე ცნობილაძე.

7.4. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

### 8. ხელშეკრულებაში ცვლილებების შეტანა

8.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

8.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა "სახელმწიფო შესყიდვების შესახებ" საქართველოს კანონის და ამ დებულების მოთხოვნათა გათვალისწინებით.

8.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

### 9. ხელშეკრულების პირობების შეუსრულებლობა

9.1. დაუძლეველი ძალის პირობების გარდა, მხარეთა მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები, ყოველ ვადაგადაცილებულ დღეზე ხელშეკრულების ჯამური ღირებულების 0.02 % ოდენობით.

9.2. თუ ვადაგადაცილებული დღეების რაოდენობა გადააჭარბებს 10 დღეს, შემსყიდველს უფლება აქვს ცალმხრივად შეწყვიტოს ხელშეკრულება და მიმწოდებელს დაეკისრება პირგასამტეხლო ხელშეკრულების ღირებულების 5%-ის ოდენობით.

9.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

### 10. დაუძლეველი ძალა

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.


10.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

10.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

### 11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია



დადგენილი წესის და მიხედვით მიმართოს საქართველოს სასამართლოს, თუ ხელშეკრულების პირობებში სხვა რამ არ არის გათვალისწინებული.

### 12. გამოყენებული სამართალი

12.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

### 13. ხელშეკრულების ენა

13.1. ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადაამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

### 14. ხელშეკრულების მოქმედების ვადა

14.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 31 ივლისის ჩათვლით.

#### შემსყიდველი:

შპს „სანდასუფთავება“  
მის: ქ. ბათუმი,  
ჯავახიშვილის ქუჩა #55  
ს/კოდი 245548153  
სს „საქართველოს ბანკი“  
ბ/კოდი: BAGAGE22  
ა/ა GE57BG000000524452400

შპს „სანდასუფთავება“  
დირექტორი

დავით ასამბაძე



#### მიმწოდებელი:

შპს „შპს ახალი სერვის ჯგუფი“  
მის: ქ. ბათუმი  
ზ. გორგილაძის ქუჩა #113ბ, 813-14  
ს/კოდი 445494377  
სს „თიბისი ბანკი“  
ბ/კოდი: TBCBGE22  
ა/ა GE60TB7005436080100005

შპს „შპს ახალი სერვის ჯგუფი“  
დირექტორის მინდობილი პირი

კახაბერ კერესელიძე



ფორდ-ტანზიტი, გამოშვების წელი 2005, სახელმწიფო ნომერი QRQ-847					
	დასახელება	რაო-ბა	ნაწილის ღირებულება	მომსახურება	სულ
1	ელასტიური მახავიკი	1	100	50	150
2	გადაბმულობის ქურო	1	400	50	450
3	ფერადო	1	80	100	180
4	გადაბმულობის ჩანგალი	1	70	50	120
5	დამწოლი საკისარი	1	100	30	130
6	კარდანი	1	400	50	450
7	საკიდი საკისარი	1	30	40	70
8	რესორის მილისები	2	50	40	90
9	რესორები	2	300	80	380
10	ამორტიზატორის მილისები	1	30	30	60
11	ხელის მუხრუჭის მექანიზმი	1	100	30	130
12	მუხრუჭის შლანგი	1	20	30	50
13	მუხრუჭის მილი (ტრუბკა)	1	30	15	45
14	ძრავის ამთვლელი	1	100	30	130
15	ძარის შეკეთება	1	800	170	970
16	მოხვევის მაჩვენებლის განათება	2	20	10	30
17	რეაქტიულის მილისები	2	30	20	50
18	გაბარიტები კომპლექტში	1	80	10	90
19	ჰალოგენის ნათურები	2	40	5	45
20	გაბარიტების ნათურები	1	5	0	5
21	გასაღების სახელური შიდა	1	50	10	60
22	გასაღების სახელური გარეთა	1	50	10	60
23	ბურთულა სახსარი	1	30	10	40
24	საჭის წვევის ბუნკი	1	30	10	40
25	დიაგნოსტიკა ადაპტაცია	1	0	100	100
26	ძრავის სპირალი	4	40	150	190
27	მოხვევის მაჩვენებლის რელე	1	10	5	15
28	ელექტრობა	1	50	20	70
სულ ჯამი					4200

შპს „სანდასუფთავება“  
დირექტორი  
დავით ასამბაძე



შპს „შპს ახალი სერვის ჯგუფი“  
დირექტორის მინდობილი პირი  
კახაბერ კერესელიძე



სანოტარო მოქმედების ინდივიდუალური ნომერი



66211550565816

## საქართველო



### სანოტარო მოქმედების დასახელება რწმუნებულების / მინდობილობის დამოწმება

სანოტარო მოქმედების რეგისტრაციის ნომერი

# N161416935



რეგისტრაციის თარიღი

13.12.2016 წ

ნოტარიუსი: ნინო ბადაგაძე

მისამართი: ქალაქი ბათუმი, რევამ კომახიძის ქუჩა №10/12

ტელეფონი: 223312

---

სანოტარო მოქმედებისა და სანოტარო აქტის შესახებ ინფორმაციის (მისი შექმნის, შეცვლის და/ან გაუქმების შესახებ) მიღება-გადამოწმება შეგიძლიათ საქართველოს ნოტარიუსთა პალატის ვებ-გვერდზე: [www.notary.ge](http://www.notary.ge) ასევე შეგიძლიათ დარეკოთ ტელეფონზე: +995(32) 2 66 19 18

საქართველო, ქალაქი ბათუმი  
სანოტარო აქტი

ორი ათას თექვსმეტი წლის ცამეტ დეკემბერს მე, ნოტარიუს ნინო ბადაგაძეს, ჩემს სანოტარო ბიუროში, რომელიც მდებარეობს მისამართზე: ქალაქი ბათუმი, რევაზ კომახიძის ქუჩა N10/12, მომმართა შპს „შპს ახალი სერვის ჯგუფი“-ს (რეგისტრაციის თარიღი: 02/11/2016წ., საიდენტიფიკაციო ნომერი: 445494377, იურიდიული მისამართი: საქართველო, ქ.ბათუმი, ზ.გორგილაძის ქ. N113ბ, ბ. 13-14) დირექტორმა ქალბატონმა ქრისტინე ბურჭულაძემ, რომელმაც განაცხადა, რომ სურს შეადგინოს და სანოტარო წესით დაადასტუროს მინდობილობა, რომლითაც შესაბამის უფლებამოსილებას მიანიჭებს ბატონ კახაბერ კერესელიძეს. მე დავადგინე მისი პირადობა მის მიერ წარმოდგენილი პირადობის დამადასტურებელი დოკუმენტით და დავრწმუნდი, რომ მე ნამდვილად ქალბატონმა ქრისტინე ბურჭულაძემ, დაბადებული 15.10.1988წ., მცხოვრები ბათუმი, ზ.გორგილაძის ქუჩა N113ბ, ბინა N13-14, პირადი N61001058827, მომმართა. მე დავადგინე ის ფაქტი, რომ ქალბატონი ქრისტინე ბურჭულაძე უფლებამოსილია, როგორც დირექტორმა წარმოადგინოს შპს „შპს ახალი სერვის ჯგუფი“, თანახმად დანართში მითითებული დოკუმენტებისა. მე შევამოწმე მიმდობის ქმედუნაწიანობა, რაც სანოტარო აქტის შედგენისა და დადასტურების დროს ეჭვს არ იწვევდა. მე დავადგინე მისი ნების გამოვლენის ნამდვილობა, გარიგების შინაარსი და შემდეგ შევადგინე მინდობილობა, მიმდობს წავუკითხე ხმამაღლა და განვუმარტე მისი შინაარსი, მასზე ხელმოწერის სამართლებრივი შედეგები. მან წაიკითხა მინდობილობა, დაადასტურა, რომ იგი სრულად გამოხატავს მის მიერ გამოვლენილ ნებას და ჩემი თანდასწრებით პირადად მოაწერა ხელი.

**მინდობილობა**

ქალაქი ბათუმი, ორი ათას თექვსმეტი წლის ცამეტი დეკემბერი  
მე, შპს „შპს ახალი სერვის ჯგუფი“-ს (რეგისტრაციის თარიღი: 02/11/2016წ., საიდენტიფიკაციო ნომერი: 445494377, იურიდიული მისამართი: საქართველო, ქ.ბათუმი, ზ.გორგილაძის ქ. N113ბ, ბ. 13-14) დირექტორი ქრისტინე ბურჭულაძე, უფლებას ვანიჭებ ბატონ კახაბერ კერესელიძეს, დაბადებული 29.01.1974წ., პირადი N61001014142:

ა) საზოგადოების სახელზე ნებისმიერ ბანკში გახსნილ ანგარიშებზე, როგორც ეროვნულ, ასევე უცხოურ ვალუტაში, ყოველ სერვის ცენტრსა და განყოფილებაში აწარმოოს ყველა სახის საბანკო ოპერაცია, მათ შორის გახსნას და/ან დახუროს ანგარიშები, გამოიტანოს, შეიტანოს და/ან გადარიცხოს თანხები (როგორც არსებული, ასევე გახსნილი ანგარიშებიდან), მოახდინოს ვალუტის კონვერტაცია, მიიღოს ამონაწერები, ინფორმაცია საბანკო ანგარიშებზე არსებული თანხის მოძრაობისა და ნაშთების შესახებ, ისარგებლოს დისტანციური მომსახურებით (გააქტიურების, ცვლილებების შეტანისა და გაუქმების უფლებით), მათ შორის ინტერნეტბანკით;

ბ) წარმოადგინოს საზოგადოება ფინანსთა სამინისტროს შემოსავლების სამსახურში, მისი მმართველობის სფეროში მოქმედ ცენტრებსა და განყოფილებებში, შესაბამისი ფიზიკური და იურიდიული პირების წინაშე, მოახდინოს დოკუმენტების წარდგენა, მიღება, შეიძინოს, შეცვალოს და/ან მიიღოს საკონტროლო-სალარო აპარატები, უზრუნველყოს რეგისტრაცია, მომსახურების მიღება და სხვ.,

გ) დადოს (შეიტანოს ცვლილებები, გააუქმოს) შრომითი ხელშეკრულებები, კომერციული გარიგებები და უზრუნველყოს მათი შესრულება, შეიძინოს ყველა სახის საქონელი, მოახდინოს საქონლის (ტვირთის) მიღება, ნებისმიერი სასაქონლო ოპერაციის წარმოება (საქონლის გაფორმება, დეკლარირება, შესაბამისი დოკუმენტაციის წარდგენა, შევსება, მიღება, სატარიფო ღირებულების გადახდა და სხვ.), ტრანსპორტირება, განახორციელოს რეალიზაცია სათანადო დოკუმენტაციის გაფორმებით, სატრანსპორტო საშუალების

შემთხვევაში გააფორმოს საზოგადოების სახელზე, მიიღოს რეგისტრაციის ნომერი და მოწმობა, მოახდინოს ანგარიშსწორება, გამოიყენოს საზოგადოების ბეჭედი დანიშნულებისამებრ;

დ)წარმოადგინოს საზოგადოება საქართველოს გარემოსა და ბუნებრივი რესურსების დაცვის სამინისტროს სისტემაში შემავალი ნებისმიერი სამსახურის, მათ შორის გარემოს ეროვნული სააგენტოს წინაშე, ნებისმიერი სახის (მათ შორის სასარგებლო წიაღისეულით სარგებლობის) ლიცენზიის და/ან ნებართვის მიღებასთან დაკავშირებით.

ზემოთაღნიშნულის შესასრულებლად იყოს საზოგადოების წარმომადგენელი ფიზიკურ და იურიდიულ პირებთან, როგორც სახელმწიფო, ასევე კერძო ორგანიზაციებსა და დაწესებულებებში, მიიღოს და წარადგინოს ცნობები, ხელი მოაწეროს სათანადო დოკუმენტაციას და განახორციელოს კანონით გათვალისწინებული ყველა მოქმედება და ფორმალობა, რაც დაკავშირებული იქნება მინიჭებული უფლებამოსილების განხორციელებასთან.

მინდობილობა გაცემულია სამი წლის ვადით, შემდგომი გადანდობის უფლების გარეშე.

წინამდებარე მინდობილობა შედგენილია სამ თანაბარმნიშვნელოვან ეგზემპლარად, რომელთაგან ორი ეგზემპლარი გადაეცემა მიმდობს, ხოლო ერთი - ინახება ჩემს, ნოტარიუს ნინო ბადაგაძის სანოტარო არქივში, რომელსაც თან ერთვის დანართად ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან, განაცხადის რეგისტრაციის ნომერი, მომზადების თარიღი: B16150503, 02/11/2016 10:26:30 (ელექტრონული ვერსია), ხოლო შპს „შპს ახალი სერვის ჯგუფი“-ს წესდება/პარტნიორთა შეთანხმება, დამოწმებული 01.11.2016წ., საჯარო რეესტრის ეროვნულ სააგენტოში (ამონაბეჭდის შესაბამისობა, ელექტრონულ ბაზაში დაცულ მონაცემებთან, დამოწმებული 10.11.2016წ., ჩემს, ნოტარიუს ნინო ბადაგაძის მიერ), ინახება ჩემი სანოტარო ბიუროს არქივში და თან ერთვის ჩემს, ნოტარიუს ნინო ბადაგაძის მიერ 10.11.2016წ., დადასტურებულ მინდობილობას, რეგისტრაციის N161290853.

გადახდილია საზღაური 10,0 ლარი, აგრეთვე 2,0 ლარი, ელექტრონულ სანოტარო რეესტრში სანოტარო მოქმედების რეგისტრაციის საფასური, თანახმად საქართველოს მთავრობის 2011 წლის 29 დეკემბრის N507 დადგენილების „სანოტარო მოქმედებათა შესრულებისათვის საზღაურისა და საქართველოს ნოტარიუსთა პალატისთვის დადგენილი საფასურის ოდენობების, მათი გადახდევინების წესისა და მომსახურების ვადების დამტკიცების შესახებ“ 31-ე და 39-ე მუხლებისა.

ქრისტინე ზურაბიძე

ნოტარიუსი

ნინო ბადაგაძე

